

## Ilmend n wass agraylan n yemrayen (14 furar) ney « saint Valentin »-Journée mondiale des amoureux.

« A s-nazen i tayri amazan (imceyyee)

yer tala ihulfan

A s-d-yecnu « ur yi-ttağğa »

B.Ğ

Awal amenzu yef tullist « Akli n tayri » n C. B. Tanaşlit. Wehran.

### « TTIF AKLI N TAYRI WALA AKLI N WEDRIM D UDABU ».



« Akli n tayri » d azwel n tullist tis-snat n temyarut Tanaşlit. Tullist-agi tebda d ixfawen, tettwaru s yiwen uyanib igerrez nezzeh, i d-ijebdden lwelha imeyri. Tutlayt swayes tura d tin fessusen i tyuri, d taqbaylit-nni yufafen. Asentel d win yerzan tayri akk d ihulfan, tadyant-ines tewwi-d yef tayri yellan gar sin yelmezzen: Teyyeb ( d axeddam di tedbelt n tesdawit) d Werda ( d tamejjayt di şşibtar); seg tayri-yagi yeqquren, yer tayri ijuğğgen ger Teyyeb d Tziri ( d tanelmad di tesdawit ideg ixeddem Teyyeb), ssyen temla-yay-d amek i msebđan yas mhemmalen d ayen kan. Tanaşlit dagi, amzun tefkayay-d anza (ttbut) d akken d tamyarut yuzzagen

(Spécialisé) deg tira ihulfan akk d tayri.

I wesmekti kan: Tanaşlit tura yakan yiwet tullist s yezwel “ Lemmer a d-yuyal zzman”\*, i d-ssazergent tezrigi n tiddukla Numidya n Wehran, am wakken i tura dayen yiwen wammud isefra « Imettı n tsusmi » i yettrağun asizreg. Imagraden-ines ucbihen, umlihen zgan dummen deg weymis Tafukt i yellan iteffey-d yal aggur.

\* D tullist tamenzut s tmaziyt i tura tmettut tamenzut akk deg umezruy n Wehran.

*Ğamal Benıuf seg Wehran*

<http://www.imyura.net/Tullizin/tabid/80/Default.aspx>

Idlisen-nney

TANAŞLIT

# Akli n tayri



Tullist

Asqamu Unnig n Timmuzya  
2009

Agzul n tullist « Akli n tayri »

Syur Tanaşlit. Wehran.

*Ixef (1) : « ussan-nni » :*

Dagi wwiḍ-d yef sin leṣnaf n « wussan-nni » ; ṣṣenf amenzu , ussan-nni imi yella 'Ṭeyyeb' (asad n tullist-agi) iḥemmel taxḍibt-is 'Werda', imi i s-yefka akk ayen i tessaram ama d leḥnana, tayri ney lxir, asmi yella akken yedderyel ur yettwali di tudert ala tinna akken i imelken ul-is, am wakken d nettat i d tudert, ma yella texḍa-t ad yemmet !

ṣṣenf wis-sin n « wussan-nni » ; d ussan-nni n waṭṭan d wurfan , ussan-nni n ḥḥmik d leḥzen . Imi d-yeyli akken 'Ṭeyyeb' deg lehlak i t-yeḡḡan yettḥef usu aḥal, yettnay aṭṭan n tfekka akk d waṭṭan n terwiḥt imi taxḍibt-nni ilaqen ad tzeḡ yer tama-s akken ad tissefes fell-as taḥekkemt n lehlak d wurfan, truḥ ad tnadi leslaḥ-is anda-nniḍen, teḡḡa-t ad iqabel yir tagnit weḥd-s ! laḍya Imiren kan i d-llint wallen n'Ṭeyyeb' yef terzeḡ n tidet ...

### ***Lxef (2) : « Timlilit n talwit »***

Dagi ; ad nidir tagnit-nni yellan d tazgart si ccwal d waṭṭan yer lehna d tujjya. Llant dayen kraḍ temliliyin n talwit deg yixef-agi :

***Timlilit n talwit 1*** : Imi yejji 'Ṭeyyeb' seg waṭṭan-nni n tfekka, yuḡal yer tudert-is n yal ass, yebra-yas wusu-nni n waṭṭan d lweswas. Yuḡal yer uxeddim-is, ur yeqqim ara akken d ameḥlal; acku yella yetthulfu iman-is d taḥekkemt ḥḥayen yef wid i s-d-yezzi ( Aḥulfu umuḍin-nni i yellan s tezmert-is , s wedrim-is, am tzizwit , iḥemmel ad yelḥu, ad yazzel, ad yettikki deg waddal... ger wass d yiḍ yufa-d iman-is yettwarez ur yufi ara ula s wacu ara d-yay ula d agaru n ddexxan ...) tuyal-it-id terwiḥt imi yejji, ***yemlal talwit*** ...

***Timlilit n talwit 2*** : Imi d-yemlal akken 'Werda' , aḥal d netta irewwel i waktayen-is , irewwel ula yef imukan anda ara tt-id-yemlil ; yugad ma yella iwala-tt a d-taki tayri-s deg wul-is (imi yur 'Ṭeyyeb' ; 'Werda' tecba taseḥḥart, tessan i wawal, ad tzeṭt tilufa akken i s-yehwa, ad tekkat ad tettru, yernu ad tyiḍ winna akken ideḡ tekkat ! )yugad ad tesḥeddi fell-as tiḥila-nni n zik, maca, imi tt-yemlal ass-nni, yenser-as i tugdi, yefra-tt d wul-is akken dayen afrayen-nni n tayri i s-yettbuḍdu ddan d tḥemmalt-nni imetṭi d-ssurgentt wallen-is imi t-teḡḡa akken d ameḥlal ur tecliḥ deg-s ! Dagi ***yufa talwit*** n yiman, imi yejji dayen seg waṭṭan n terwiḥt...

***Timlilit n talwit 3*** : D timlilit n tṣebḥit-nni n tegrest, mi rsent wallen-is yef teqcict-nni tawlawalt i ileḥḥun i ugeffur. Tuyal-d tudert yer wul-is i iḥudd yemmut ! Ihi tuyal-it-id talwit mi yufa ul-is werḥad –it d aleqqaq, yetthulfu .

***Yufa talwit*** imi d-yemlal tayri i d-yessakin yer daxeḥ-is iḥulfan n leḥnana d laman...

### ***Ixef (3) : «Akli n tayri »***

‘Teyyeb’ i tejreh tayri yakan , teğğa-yas-d ccama yeqqazen deg wul-is; ur yennecham ara! Mi s-d-tessawel i tikkelt-nniḍen ur yezmir ara a tt-yerr, ney a s-yini “ala” , yas ma yella imiren kan i d-yeffey si temda lqayen, yas akken leğruḥ-is werɛad nezzfen, maca ur yezmir ara ad yidir war tayri. Ur yennecham ara ! Yeyli i tikkelt-nniḍen ger ifassen n tayri. Yedda-yas i wul-is deg lebḡi...

### ***Ixef (4) : «Leḥmala »***

Tazwara n tayri, tettili daymen tecbeḥ, telha, am ujeğğig-nni i itellin cwiṭ cwiṭ akken ad yemmager tafat ! Tudert n yemrayen-nni i sin tenbeddal degmi ssnen leḥmala, yal wa yettu iyeblan i yesɛedda, yufa leḥnana d laman, yeffey-d seg tegnit n leḥzen d wurfan ideg yella, yufa lbenna n tudert, iḥulfa s wazal n yiman-is yennerna.

Ad nwali amek yal yiwen deg-sen(‘Teyyeb’ akk d ‘Tiziri’) yettḥadar yef wayeḍ, yettuḥnan fell-as,... Amek i mḥemmalen yas ma yella ṣran yella wugur i iferqen gar-asen !

Leḥmala-n sen tɛedda yef sin ikayaden: Amezwaru deg-sen d lḡba n’Tiziri’ i sin wussan war isalan, war ma yella yezra ‘Teyyeb’ tamentilt n lḡba-yagi, ad nidir yid-s tiswiɛin-nni n ucetṭen d lḡir , ad nwali amek i yettḥeyyer wemray yef win i iḥemmel, amek i s-tḍerru mi ara ibeɛɛed fell-as !

Dagi imrayen-nni i sin ad bdun ad tḥulfun ugar s wugur-nni i yellan gar-asen, ad ḥulfun ugar s lefraḡ i ten-yettganin i lebda. Sin wussan n lḡba d lefraḡ a sen-fken dayen tamsirt akken yal wa deg-sen ur yezmir ad yidir mebla wayeḍ . ‘Tiziri’ ad tḥulfu s tuzzma n yiman , ad twali iman-is d ugar di tudert n winna akken i tḥemmel,yas ma yella netta yeffer fell-as leṭtab-is , maca nettat teṣra d acu i yellan yer daxel n wul-is war ma yessawel-d , d ayen ara tt-icetṭenen ugar , a tt-idemmer akken ad tnadi tifrāt i tyersi-nni , amek ara d yaf talwit d lehna ‘Teyyeb’ yas ma yella mgal n talwit-is d lehna-s nettat.

Akayad wis-sin d « Tismin» , imi aṭas n yemrayen i ferqent tismin, aṭas n wid iruḥen d asfel n wurfan d ccek. Ad nṣer amek i tɛedda tegnit am ta yef yemrayen-agi , ad negzu dayen akken mačči d tuccḍa ma nusem yef win nḥemmel , maca ilaq ad nissin amek ara nqabel urfan d ccek s tayri d laman , imi tayri yeṣfan tejhed ugar n tkerkas n tismin d iyeblan...

### ***Ixef(5) : «Ger n layas d usirem»***

Skud tettnerni tayri, simmal yettimyur wassay-nni i ten-yezdin, yettnerni dayen umihi n wugur-nni i ten-iferqen. 'Tiziri' di tagnit n leħzen d ẓẓmik a tt-yeyleb layas, ad tebyu ad teg tilas i wassay-nsen ad teefes yef wul-is d wul n winna akken tthemmel ad tefren lefraḡ, maca a d-yekcem 'Meṣṭafa' (azamul n tdukli yeṣfan) gar-asen a tt-id-yerr yer leeqel-is , a s-ibeddel rray-is , a s-yefk ibzizen usirem i 'Tiziri' ...

### ***IXEF (6): « Lefraq »***

Mačči d lefraḡ-nni i fernen , maca d lefraḡ n tmara, n war lebyi, yewweḡ-d wayen akken iseg rewwlen , tikkelt-a d akud i ten-iferqen, yewweḡ-d unebdu, 'Tiziri' truḡ teḡḡa-t weḡd-s ur s-tefki ara ttiaad-nniḡen, ur ẓrin ara ma yella ad uyalen ad mlilen kra n wass ney d tinna i d timlilit taneggarut ! msefraḡen d nutni werɛad-iten mḥemmalen ugar n tazwara...

### ***IXEF (7) : « Tuzzmiwin »***

Imrayen i yemsefraḡen i tagnitt iḡulen , yiwen deg-sen ur yezri amek i teḡra i wayeḡ, yal wa amek i yessezri ussan-nni n lefraḡ, mkull yiwen acu n tiktiwin i icewwelen allay-is, ... Mlalen i tikkelt-nniḡen deg wadeg-nni anda mfaraḡen yakan, si tujjma d lferḡ n teswiɛt-nni mi mwalan, ar tuzzma i d-yellan gar-asen, (imi yal wa iɛudd wayeḡ yettu-t ) alamma d tayri-nni i iyelben yakk uguren, tayri-nni ur nemmut, ur nettemmat, i ten-yesduklen lwaḡid akken ad lhun afus deg ufus deg webrid n lefraḡ...!

<http://www.imyura.net/Tullizin/tabid/80/articleType/ArticleView/articleId/276/C-B-Tanalit-Akli-n-tayri.aspx>

Awetniri seg Wehran